



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici hodie (maximè Calvinus & Beza) ad sua dogmata propugnanda vti solent, vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

16. Intrauit secundùm consuetudinem suam die Sabbati in Synagogam, & surrexit legere.

urn:nbn:de:hbz:466:1-39463

perfectam tradidisse, aut rudibus elementa non tradidisse, ut omnino probet atque demonstret, Ioannem in tota prædicationis suæ forma rudibus tantum elementa tradidisse; rudem & impositum populum aptasse atque formasse ad Christum recipiendum, eiusque perfectiorem doctrinam capeffendam. Sic sententiam orthodoxam adeò non probavit Calvinus friuolum esse cauillum, ut suo friuolo argumento eandem sententiam pulchre confirmauerit. Hic est ille tantus magister, in cuius verba tot hodie populi & prouinciæ iurare debeant. Sanè Beza propter verbi Græci proprietatem vertit hoc loco: *Vt paret Domino populum instructum.* Calvinus ut commodius falleret, antiquam versionem retinuit.

IN LVCAE CAP. III.

16. *Intrauit secundum consuetudinem suam die Sabbati in Synagogam, & surrexit legere.*

ARRIPIT hic occasionem Calvinus (ut nullam prætermittere solet) Catholicam toto orbe Ecclesiam taxandi. Quum enim ex hoc loco appareat in singulis Sabbatis, quibus dies Dominica successit, Scripturas legi in Synagogis & exponi solitas fuisse, hanc adnotationem apponit Calvinus, non ut diuinam Scripturam (quod profiteretur) exponat, sed ut suo stomacho maleuolentiæ pleno indulgeat. *Iam si temporum fiat comparatio, facile vel ex presenti loco constabit, foediores hodie & magis deformes esse Papalis hierarchie corruptelas, quam apud Iudaos sub Anna & Caïpha fuerunt. Nam Scriptura lectio qua tunc vigebar, non modo sub Papa obsoleuit, sed ferro & igni à templis arcetur: nisi quod lingua incognita, quod visum est, in ludibrium cantillant.* Hæc ille. Primum peregrinè mentitur dum amplificatione rhetorica vsus, Scripturarum lectionem ex Ecclesiis Catholicis ferro & igni arceri declamitat. Tametsi enim in templis Catholicorum ante hoc schisma exortum, dormientibus Pastoribus, rarior alicubi fuerit verbi prædicatio, illam tamen interdicitam aliquando fuisse ne fieret, nullus hæreticus docere potest, multò minus eam ferro & igni prohibitâ & abactam fuisse. Deinde rarior illa prædicatio verbi in diebus Dominicis, non omnium templorum fuit, nec in omnibus prouincijs, sed quorundam, & in quibusdam: quæ sanè nunc

Prædicatio verbi rarior supra modis taxata.

*Pastorum
negligen-
tia quid
successerit.*

omnes huius negligentiae poenam satis acerbam luerunt: gra-
fantibus & praevalentibus hac maximè de causa tot hodie se-
ctis & haeresibus; quae legitimis ecclesiis Pastoribus, lupis ra-
pacibus omnia impleuerunt. Deinde quid tandem, obsecro,
in hanc Pastorum negligentiam successit? Primum diuini ver-
bi ab hominibus indoctis, audacibus, spurcis ac libidinosis,
nulla vel auctoritate, vel pietate, vel solida eruditione pra-
ditis, foeda deprauatio, & venenata tractatio. Satius autem
esset nullo pane vesci quàm venenato; maximè iam aliquo
modo saturis, & bene parris: quum hoc praesens exitium ad-
ferat, illo tantisper carere natura possit. Quum iam alta Ec-
clesiae pax esset, omniumque Christianorum vox vna, & la-
bium vnum, vna mens, vnum cor credentium omnium, fides
simplex ab Apostolo laudata, tam accuratae & frequenter ver-
bi Dei explanationes adeò necessariae non erant; quum suo
quasi succo acceptae à maioribus fidei, cui indubitanter ad-
haerebant, fideles viderent; & ipsa totius vitae simplicitas
atque integritas adhortationibus ac stimulis adeò frequen-
tibus minus indigeret. Demus tamen, quod omnino negari
non debet, magnam fuisse Pastorum negligentiam: quid nunc
noui isti magistri attulerunt? *Singulis* (inquiunt) *Dominicis*
diebus Scriptura legitur non lingua incognita (hoc enim Cal-
uinum offendit, quum illa lectio non ad populi doctrinam
sed ad inuocationem, quam totius populi nomine Pastor fa-
cit, pertineat) *sed vulgari & quam omnes intelligant*. Verba
quidem omnes fortasse intelligunt: sensum autem quotui-
quisque tandem ex rudi populo intelligit? Imò absurdissi-
mos sensus sibi plerique confingunt, eosque contra suos Mi-
nistros audacter tueantur. Atqui accedit explicatio & verbi
praedicatione. Illa sanè initio feruebat, tamen (vt dixi) venena-
ta & impia. At nunc ille feruor in nostra Anglia & aliis (vt
audio) vehementer defertur, eiusque loco homiliae quaedam
ex codice leguntur. Denique si tot seculis hic nouus seu Cal-
uinismus seu Lutheranismus templa occuparet, quot à Ca-
tholicis occupata fuerunt (quod nunquam futurum apertè
in Scripturis promissiones certum nobis faciunt) quis dubi-
tat in altissimum somnum praesentem concionandi ac do-
cendi feruorem non secus desitutum? Non est ergo quòd Cal-
uinus de suis iam feruidis initiis gloriaretur, aut aliquem in
opere tam longo somnum, tot, inquam seculorum, Ecclesiae
Dei obrepisse declamaret.